

Pader Placi Berther OSB
da P. Ambros Widmer, Mustér
CR 1994, pag. 362



Nus quintein da buca ver giu tonta glieud ad ina sepultura en claustra dapi la mort da pader Maurus Carnot 1935 sco gliendisdis, ils 7 da zercladur, cura che nus vein accumpignau pader Placi al davos ruaus. Ins duess buc entscheiver in necrolog cul past funeral, mo igl ei stau significativ pil defunct, che denter ils 133 «hospes da marend» eis ei stau in grond diember da muniesas da Müstair tochen Mustér.

Veta

Flurin Berther ei naschius a Rueras ils 27 d'october 1904, entra en scola claustraligl onn dalla grippa 1918, fa la matura a Sarnen, celebrescha il profess benedictin a Mustér ils 1 d'october 1927 ed entscheiva, suenter la teologia a Salzburg ed Engelberg cull'ordinaziun sacerdotala ils 14 da matg 1931, sia reha veta monastica e pastoralia. Ils dus sogns romontschs, sogn Flurin da Ramosch e sogn Placi da Mustér, accumpognan il giuven pader.

Il trapassau vegn engaschaus ella scola e dat grec, religiun, franzos, contabilitad e talian. Als noviz docescha el romontsch ed als fraters 1932-1938 dretg canonic. El seretrai dalla scola definitivamein igl onn 1967. Duront duas liungas periodas surpren nies confrar igl impurtont uffeci da statalter: 1934-1940 e 1952-1974. Da 1940 tochen 1952 ademplescha el il post da spiritual ed administratur ella claustra dallas muniesas benedictinas a Müstair. Suenter la mort da pader Vigeli Berther surpren pader Placi 1977 la Biblioteca romontsch, nua ch'el lavura tochen sia mort.

Engaschi

Las cefras numnadas da sia veta cuntexan immensa lavur e premura nunstunclenteivla. Sco perdetgas da siu engaschi sco statalter stuess ins «clamar si» ils fumegls, emploiai, impressaris e las autoritads da pli baul. Quels savessen raquintar massa caussas e descriver p. ex. il svilup ell'agricultura, dil sistem vegli alla modernisazion e motorisazion hodierna. Tgei lavur pil statalter da baghegiar clavau e nuegl vi Salaplauna, mo era per star en e defender dretgs ed alps. Beinenqualga ina incumbensa zun heiclia. Cun prudentscha e zaiudad tuatschina ha el sligiau quels problems.

A Müstair ei pader Placi zun activs ella restauraziun dalla baselgia. Cun agens mauns ha el duront jamnas luvrau als frescos carolings. Per siu engaschi ha pader Placi survegni la honur da burgheis da Müstair 1951 e da Muster 1976.

Il secund camp da lavur ei stau la pastoraziun. Con bugen eis el ius per gidar ora ellas pleivs e dad emblidar in tec ils quitaus dall'administraziun. Sco spiritual eis el staus egl element e quei en quater direcziuns. El ha pastorau tier las muniesas a Cazas, Tavau, Glion, eav. Tier el han las soras anflau in spiritual da confidenza e consolaziun. La secunda «clientella» ei stada la «caritas» per ils malsaus. Cun ina memoria particulara sereguardava el da quels che pitevan e suffrevan. La tiarza actividad pastoral daventa - sco gia menziunau - ellas pleivs digl entir cantun. Duront meins ha el remplazzau augsegners p. ex. en Tumliasca e si Surmir, ei staus spiritual els spitals da Cuera e Glion. La quarta pastoraziun schai el misteri dil sacrament dalla penetenzia. Aunc cuort avon la mort ha el dumandau mei: «Veis giu glieud el confessiunal da Tschuncheismas?»

Sil camp cultural ha pader Placi luvrau bunamein mintgadi ella Biblioteca romontsch, ha catalogisau, ordinau, empustau e pagau! Igl ei stau zaco trest da veser co nies confrar ha dau giu quei uffeci pass per pass. El ha mess en retscha las dublettes dil Glogn, supplicau da buca purtar pli cudischs e documents, buca pudiu leger la Gasetta Romontsch ed in cert di remess la clav dalla Biblioteca al pader decan.

Finale

Cun raschun ha il pievel ludau la buontad da pader Placi, mo el saveva era esser detscharts e critics e

ha fatg valer siu meini en numerus cerchels. La vegliadetgna ha lu mitigau e nivellau. Bugen ha el retschiert visetas da confrars e dalla parentella e ha strusch refusau ina buna tschugalata. Cun gronda devoziun ha el concelebrau alla messa conventuala e sco grond veneratur dalla Mumma dalla misericordia han ins viu el ella baselgia da Nossadunna. Cun pader Placi va bia oraziu en fossa. Nus sperein che sia intercessiun detti alla claustra novas clamadas ord tiara romontscha. La generaziun pli passada vegn buca schi spert ad emblidar quei conventional plein premura, oraziu e carezia proximala. Requiescat in pace.


Claustra da Mustér

8-6-93

Pader Placi Berther ei morts

mc. Gievgia sera ei morts en Claustra da Mustér pader Placi Berther. Il conventional oriunds da Rueras ha rendiu sia olma al Scaffider suenter liunga malsonga ella vegliadetgna da 89 onns.


Suenter la scolaziun gimnasiala ha Placi Florin Berther studegjau teologia e lungatgs ed ei entraus sco muntg ella claustra benedictina da Mustér. Alla scola theologica da casa ha pader Placi dociu dretg dalla Baselgia e romontsch. Al gimnasi claustral eis el staus scolast per grec, franzos, talian e religiun. Da 1934-1940 e da 1952-1974 ha el adempliu l'incumbensa da stattalter. Denteeren ha el funcziunau duront 12 onns sco administratur dalla Claustra benedictina da muniessas a Müstair. Alla populaziun sursilvana ei pader Placi enconuschents sco predicator e confessur. Per temps ha el era substituiu ils augsegners dil Spital da Glion e dil Spital dalla Crusch a Cuera e fatg survetschs



pastorals allas soras a Glion, Cazas e Tavau.

La sepultura ha giu liug ier suentermiezzi a Mustér. Il siatavel vegn celebraus sonda proxima, il trentavel ils 3 da fenadur. El ruaussi en pasch!

P. Placi Berther OSB



Nus quintein che dapi la mort da pader Maurus Carnot 1935 buca ver giunta glieud ad ina sepultura en claustra sco gliendisdis, ils 7 da zercladur, cura che nus vein accumpignau pader Placi al davos ruaus. Ins duess buc entscheiver in necrolog cul past funeral, mo igl ei stau significativ pil defunct, che denter ils 133 «hospes da marena» eisi stau in grond diember da muniessas da Müstair tochen Mustér.

Veta

Flurin Berther ei naschius a Rueras ils 27 d'octobre 1904, entra en scola claustraligl ogn dalla grippa 1918, fa la matura a Sarnen, celebrescha il profess benedictin a Mustér ils 1 d'octobre 1927 ed entscheiva, suenter la teologia a Salzburg ed Engelberg cull'ordinaziun sacerdotala ils 14 da matg 1931, sia reha veta monastica e pastoralia. Ils dus sogns romontschs, sogn Flurin da Ramisch e sogn Placi da Mustér, accumponnan il giuven pader.

Il trapassau vegn engaschaus ella scola e dat grec, religiun, franzos, contabilitad e talian. Als novizs docescha el romontsch ed als fraters 1932–1938 dretg canonic. El seretrai dalla scola definitivamein igl ogn 1967. Duront duas liungas periodas surpren nies confrar igl impurtont uffeci da statalter: 1934–1940 e 1952–1974. Da 1940 tochen 1952 ademplescha el il post da spiritual ed administratur ella claustra dallas muniessas benedictinas a Müstair. Suenter la mort da pader Vigeli Berther surpren pader Placi 1977 la Biblioteca romontsch, nua ch'el lavura tochen sia mort.

Engaschi

Las cefras numnadas da sia veta cuntengnan immensa lavur e premura nunstunclenteivla. Sco perdetgas da siu engaschi sco statalter stuess ins «clamar si» ils fumegls, emploiai, impressaris e

las autoritads da pli baul. Quels savesen raquintar massa caussas e descriver p.ex. il svilup ell'agricultura, dil sistem vegl alla modernisazion e motorisazion hodierna. Tgei laver pil statalter da baghegiar clavau e nuegl vi Salaplauna, mo era per star en e defender dretgs ed alps. Beinenqualga ina incumbensa zun heiclia. Cun prudentscha e zaiadad tuatschina ha el sligiau quels problems.

A Müstair ei pader Placi zun activs ella restauraziun dalla baselgia. Cun agens mauns ha el duront jamnas luavrals frescos carolingics. Per siu engaschi ha pader Placi survegni la honur da burgheis da Müstair 1951 e da Mustér 1976.

Il secund camp da laver ei stau la pastoraziun. Con bugen eis el ius per gidar ora ellas pleivs e dad emblidar in tec ils quitaus dall'administrazion. Sco spiritual eis el staus egl element e quei en quater direcziuns. El ha pastorau tier las muniessas a Cazas, Tavau, Glion, eav. Tier el han las soras anflau in spiritual da confidanza e consolaziun. La secunda «clientella» ei stada la caritas per ils malsauns. Cun ina memoria particolarra sereguardava el da quels che pittevan e suffreven. La tiarza activitat pastoral daventa – sco gia menziunau – ellas pleivs digl entir cantun. Duront meins ha el remplazzau augsegners p.ex. en Tumliasca e si Surmir, ei staus spiritual els spitals da Cuera e Glion. La quarta pastoraziun schai el misteri dil sacrament dalla penetenzia. Aunc cuort avon la mort ha el dumandau mei: «Veis giu glieud el confessional da Tschuncheismas?»

Sil camp cultural ha pader Placi luavrals bunamein mintga di ella Biblioteca romontsch, ha catalogisau, ordinau, empustau e pagau! Igl ei stau zaco trest da veser co nies confrar ha dau giu quei uffeci pass per pass. El ha mess en retscha las dublettas dil Glogn, suppliaca da buca purtar pli cudsichs e documents, buca pudiu leger la Gasetta Romontschia ed in cert di remess la clav dalla Biblioteca al pader decan.

Finale

Cun raschun ha il pievel ludau la buontad da pader Placi, mo el saveva era esser detscharts e critics e ha fatg valer siu meini in numerus cerchels. La vegliadetgna ha lu mitigau e nivellau. Bugen ha el retschiert visetas da confrars e dalla parentella e ha strusch refusau ina buna tschugala.

Cun gronda devoziun ha el concelebrau alla messa conventuala e sco grond veneratur dalla Mumma dalla misericordia han ins viu el ella baselgia da Nossadunna. Cun pader Placi va bia oraziun en fossa. Nus sperein che sia intercessiun detti alla claustra novas clamadas ord tiara romontschia. La generaziun pli passada vegn buca schi spert ad emblidar quei conventional plein premura, oraziun e carezia proximala. Requiescat in pace.

P. Am.